



繁露園詩集卷之十九

陽平董復享元仲父著

同郡張銓平仲父校

五言古

喜雨

經年旱若焚禾黍悉已什一夕忽沉雲暴雨傾如注
流泉瀉萬家飛濤溜千澗林蜩驚不定部蛙鳴更怒
須臾雲霧收朗朗還空素詰朝起科頭呼童料農具
秋風雖已迫庶免涸轍鮒

夏日同高芟之李若蒙毛茂新張若恂楊茂弘

燕集張平仲南園

公子敬愛客拉遊塵外瞥勝地別有天
殿筵生冰雪境絕車馬喧爐焚生熟結
朱花映錦苔綠樹障金埒座客俱名勝
食飲亦甚設酒酣擊唾壺各吐霹靂舌
會心何拘礙譎浪恣懽悅天公忽見妒
崩雲來窺竊乘夜步高臺秋響破炎熱
明月墮酒卮菱歌四坐徹驅馬漏欲殘
平生信癡絕

弔宋鵝池投海

世士何握齷眼中獨宋叟生平不偶世
垂楊生兩肘酒德頻中聖詩名滿人口
宇內不自容甘與海若友

乘潮如康莊南面樂何有俠骨應不化
夜夜作鯨吼

周節婦詩

吾觀風波民抑何媿三五節義千古事
弃之如塵土鬚眉負丈夫不無事二主
况于粉黛流敢望栢舟武嗟哉楚澤嫗
貞一繼淳古髻年歸所天牛衣卧相許
十年忽見背自矢靡他苦奉姑撫遺孤
空房淚如雨不時和熊丸政慮落媮窳
慈母兼嚴師輒爾闖玄圃颺起漢江濱
一鳥驚寰宇名之憐鳳凰詞客媿鸚鵡
通籍金閨間絲綸飾粉黼毋也聽然喜
庶堪報死父父老扶杖來一一明廷吐
聖王方孝治嘉嘆應表

繁露園詩集 卷之十九
戶以茲勸偷俗永作閨閣踞揮毫爲賦詩翻覺摧肺
腑

怡怡堂爲史五陵伯仲也

兄弟一體分友于未易覩周公弔不成唐風刺杖杜
賢聖且媿嘆何況尋常伍寥寥花萼懽委棄如塵土
合荆復何人池塘枉自詡洵美澮川英雅稱弼公譜
麗藻出時流篤行還元古少年背二親弱弟纔失乳
俯仰摧心肝縱橫淚如雨覃謁躬撫摩誓報恃若怙
內亦同此情夙意鄙輻釜兄領循吏名弟亦成第五
慕愛猶爾孩永不析資斧題額標怡怡常日寓堂

三晉誦誼高九牧憐心苦吟咏盈筐箱以當歌且舞
我亦續吟篇世教諒有補

送李本陽明府之祠部

歲晏夫如何飛雪擁漳嶠冽冽冰爲漿河陽雙鶴叫
行李鮮長物圖書映遠燒送客屯氏濱玄風栗以嘹
把酒盡一觴開顏驟然咲七年赤縣吏淹留不得調
茲日忽龍超奮首列清要詢美秩宗郎行行佐廊廟
其如去思殷載路泣叟少慙余嗣宗狂寂寞寄清嘯
努力崇令嘉永永心相照

送畫手侯生歸陽丘

君來春草肥君去秋露滴離思不可道西風共折漑
君是張僧繇雷轟金陵壁携此丹青手定勝愈風檄
別意誰短長衛水挂雌霓留得百尺綾對之破岑寂
賀小梧蘇舉子一首

誰道眉山英不在平千里咄咄有好士萬石家風似
四十缺當戶星星憂移晷天公祚德門忽夢蘭花紫
墮地聲若吼驚睹長庚李他年亢厥宗定符充閭喜
我媿寶誌僧摩頂呼麟趾

卓錫泉同林志唯年兄小酌

泠泠山下泉潺潺齒白石愛此濯纓流塵襟聊盪釋
呼我同心友把酒相傾瀉酒行響愈幽笙簧覺咫尺
咲語風生嘯習習入兩腋慙無濟勝具况復日云夕
歸來夢寐間猶疑留魂魄明日長安道依舊風塵客
懷陳汝威社文

昔年辭故里落日雲山紫今年憶故人西風吹易水
把酒對黃花低徊頻坐起道路阻且脩誰與共酌此
豈無新所懽念舊不能已碣石宮月涼北鴈忽南徙
脉脉平生心聊復托雙鯉

出都門感懷四首

市寶貴市玉買馬貴買駿何者瑋璪流亦同荆山鎮

何者款段乘亦同汗血信所以孫卜輩一見反遭擯
忸怩省生平遲疑不欲進寄語荃蓀人鑒賞何嫌慎
其二
我有一片心鬱鬱未獲吐忽爾委道旁心灰口自杜
經年賦初衣秋風纔得主一咲出門去憑人話市虎
家園酒十千半酣揮玉塵

其三

五鹿昔嶽嶽朱雲析其角我何如五鹿啞啞亦見剥
人心似人貌講張不可捉鈎弦旣殊塗詘信定足數
自矢磴磴節居恒厭握齷長安多知音諒茲未剖璞

矯首望五雲慙負 主恩渥

其四

秋風七八月涼飈掠我髮忽傳省墓疏飄飄下紫闕
朝出宣武門夕向潞河發冠蓋傾都門離別嗟倏忽
相問歸何急山中採薇蕨採蕨胡不愉戀茲泥滓窟
嗒然咲深源書空呼咄咄

自清源經陶山每日逆風家人且報糧絕矣感

賦十二韻

何事風作崇雙帆日打頭春糧已告罄甕酒更難求
喜得香作供剩多書解愁有時澆蟹眼無計潤詩喉

沙白星星散樹丹葉葉秋黃昏憐叫鴈青晝想鳴騶
采菊節方迫題糕事恐休滿家湏咲語諸好政夷猶
不遠煙霞墅尚稽汗漫遊徐徐飄一葉漸漸豁雙眸
偶起呼毛穎非關詛石尤歸期遲蚤定豈必嘆淹留

七言古

飛六亭歌爲陳澹叔賦

元龍傲氣除未易腹中磊落世寡二我亦河朔倔強
兒逢之輒爲避頭地憶昔蕭寺同吾伊新詩字字強
人意一第偶爾先著鞭千秋更誰識紇字去年公車
不見收霜毫生額頭生刺歸來誅茅渾水涯飛六亭

前樹樹花朝呼美酒十千斗夜攤竒書三五車東山
携妓屢及春北海開尊不畏貧鹿葱鼠姑生彩筆江
鮑庾徐何事人君不見東方月高日漸下鷓鷯之使
徧函夏河枯山礮幾年休龜角魚毛處處愁世變湏
張彌天網時來定用濟川舟只恐飛六一區卧不得
中原還汝添氣色

送雷學博之永寧

九溪有士糝蘭芝斌斌質文何歲蕤窮經牛毛與蚕
絲聲名籍甚西南夷八蕃豪俊枉纍纍奮跡一舉若
拾遺挾策北走抒神竒汗血偶失孫陽知要爲斯文

滌嶮巖翩然來儀五鹿師潛心發憤獨下帷頗爲學
人剖難疑季長握齧難數比蘇湖安定殆庶其間者
風雲忽邁時柱史飛荐多芳詞神劍會合昔雙離萬
里之行足下基從今王路憑驅馳天祿他年遲撚藜
繁露園歌送景時熙文學歸陽丘兼寄張允升

先輩

繁露齋頭花簇簇黃驪新來集雙木杜門廓落有餘
閑呼兒細檢文選讀晨起到午猶科頭池前堦下狎
猿鹿蒼頭踉蹌報客過長松遠映風謾謾喜極開門
倒屣迎相逢一笑慰幽獨兒子滿前爭灑掃黃鷄白

酒任傾倒十日平原醉不殺登臨到處留詩草憶昔
我宰陽丘時門下種種多文藻就中名士誰最奇汝
與允升張子好張子飄飄氣欲仙汝文彫績更滿前
霄漢泥塗肯自分扶搖九萬仍須君桂子紅黃香撲
鼻願借秋風吹入雲無奈相逢即相別臨岐不覺寸
心裂殷勤寄語張文昌功名可待頭似雪

三鳳吟

天有靈鳥鶉火精千爲若翼蕭爲聲九包六像產丹
穴歸嬉提扶結百舌世衰竟從姬文往千有餘禊此
種絕雷霆不息風雨淫何人爲來玄扈音河東薛氏

曾颺起伯仲翩翩如昇峙明興盛德過虞唐三鳳復
在項子里項子王君不可當少年領異宰河陽濯錦
纔爛黃池水食報又分朱雀光東方有發明西方有
鷓鴣南方有焦明北方有幽昌渺小何足奇鸞鷲獨
中央逝崑崙兮飲䟽圃負蒼天兮絕雲霧自歌自舞
擊九千鴻鵠鶴鷄胥窠注我自凡鳥卧搶揄矯首共
目琅玕樹揮毫爲草三鳳歌他年記取阿閣路

送若蒙茂宰之聞喜

陽平市上北風號一夜雪花尺許高大白頻浮寒較
可壚頭猶自烘活火春深那更睹此異應是離愁干

天地城西我友李王孫詰朝出爲聞喜吏聞喜城中
十萬家竹馬紛紛待君至君行甚華我心惻造化爲
爾動顏色陽春將遍趙武鄉白雪先飛畢萬國太行
王屋空嵯峨一片行旌留不得君不見郭璞里中雲
半遮趙昇祠前日欲斜湯山近接箕山影涑水遙通
汾水槎我友清惠政耳耳那數安仁一縣花

敬菴兄樓成爲賦一歌行志賀

我董族望本高城往朝幾勒河山盟一從真主起
淮泗風塵歷落走陽平迄今二百三十秋衣冠猶自
傾時流吾家大兄磊落者投筆力耕墻垠野幾載妙

傳倚墳書半生慣宰陳平社築樓縹渺十丈餘紛紛
燕雀爭賀厦等閑躡屣一攀躋八風四面來清灑大
兄大兄真陶朱三致千金可並驅嗟余嬾問家人產
縱至九卿何爲乎祝兄時讀貨殖傳富好行德人彌
羨他年蒙 恩賜歸農願借飛樓貯萬卷

陳生行 陳自新

陳生陳生吾好友行年今已四十九老驥伏櫪未肯
降胃中磊塊頻澆酒昨宵痛飲忽狂呼座客滿堂盡
杜口朦朧仍罵元和詩踉蹌肯輸松雪手眼中吾自
千秋人世上浮名信好醜陳生陳生何軒舉轉恨古

人未見汝我亦河朔倔強者生平隻字不輕假詩才
酒態似君希眉目雙雙頭欲下韓孟才名纔播揚雷
陳肝膽願傾瀉狎盟齊晉更阿誰中原牛耳好共把
壽曾封翁編脩曾長石之父

郢中老子名家者爲曲彌高和彌寡懷內頻憐璞玉
真眼底長咲麒麟假已付行藏隨繡林且將事業屬
金馬扁舟一日泛滄浪煙霧時時生足下勝具踏窮
燕市塵興酣吸倒木天學城闕漢家天上如五柝昆
明恣揮灑膝前太史舞嫵爛清夜華燈酒盈把咲問
兒曹枉顯榮何似阿翁慣三捨雲澤洞庭樂有餘誰

能長面長安瓦桑乾明日驅蹇歸劉郎浦口結洛社
回首春明雲若屯總輸醉劈蘆服鮓白鶴黃牛何處
尋千秋一味禪宗打我聞高誼幾低頭捉筆聊此抒
傾瀉

畫舫齋歌

豕韋國與崑崙通星宿一派經其中瓠子宣房歌未
歇玉壁白馬逐流空千古遜他歐陽子慶曆之年來
刺史如椽大筆靡所託畫舫齋成記終始文藻風流
彼一時迄今半沒蓬蒿里河伯南去護真龍秋風乾
盡黃河水項城王子大雅流入疑前身故姓歐黃池

已製天孫錦白馬將尋帝子丘太息畫舫今安在幾
向遺編詫文彩風流沉埋六百年忍使今朝仍有待
買隙乘閑開勝場齋成燿燦更爽塏父老色喜薦紳
懽滿城爭歌神明宰君不見鄴下洞雀今爲土又不
見醴泉梅塢久已腐獨自名賢勝亦住人間千秋萬
歲無今古雪香亭仁風樓百里嶙峋鬱相繆君今已
復畫舫齋誰能更問水堂酒

黃鶴樓歌留別鄧汝高竇燕雲二年文

我憶黃鶴久其如越千里今我使三楚涼颼吹汭水
臙脂山下雨不歇鸚鵡久沒長江月磯頭那復僊人

踪波上虛疑神女襪獨有飛樓百尺竒豐碑仍題崔
瀨詩西山返照供圖畫晴川芳草各參差恠來地主
頻折簡江濤人立星墮盞憑欄醉酒發狂呼千年黃
鶴去將反我欲乘之凌三島大別爲拳漢爲沼回頭
試問同胞人樓頭幾許白雲繞

揚村北舟中中秋

去年今夜雨浙浙太僕齋頭酒漫設今年今夜甕頭
空舟中明月何皎潔有酒無月酒不濃有月無酒月
還缺低徊移時堪絕倒呼兒且沽村酒熱子勸妻酬
各數杯船頭聊此了佳節明日挂帆到天津烹蟹煮

酒恣驪悅

去歲中秋飲李百原齋中大雨如注故云

天津阻風用栢梁體

封郎心事似弦直休沐非關六月息秋仲初旬拋鷄
肋扁舟南下潞河側恨不破浪生羽翼其如淹留心
鬱抑行行維舟津口北賸有司農張供億移坐促膝
消柴棘宴罷船頭纔拂拭三老忽報石尤逼颼颼噫
氣在晷刻天地四方爲昏黑折木飛濤翻鰲極天吳
蝸蟻爭顛踣日月空懸光爲塞妻子相對無人色蟹
肥酒醖誰能食去年定有爰居即此時故作竒臆
葛公枉喝野廟蚺宋玉難賦大王德洗硯細磨險糜

墨展紙橫掃問埏埴我亦平生萬一得何事飛廉相
迷惑安得遠寄崑崙國威靈借把卷舌誣詰朝擡櫓
驚未熄仰面咲少回天力

洞口卽事戲筆

洞口上下水碧綠千艘百艘東南栗艘中能事貌猙
獍我艘遇之魂踳踳朝苦漕艘夕苦風那知更有督
漕翁隨翁軍牢勢虓虎鼓柁南來駛於鴻我艘欲避
急難措豈謂唐突此翁怒號令雷震呼動天縛我艘
人等縛免遣力投刺刺難通須臾肉飛血如注餘怒
未消仍獅吼何物書生敢相羈榜者回艘涕淋漓向

余指血唯叩首爲問此翁何譜蘇對云陽明後枝葉
黃口舊襲徽侯章白簡新彈尤物妾卽今督漕焰莫
當睚中何有天官郎余聞咲扶艘人起陽明當日何
如此歸去杜門習兵符閒來細叅良知旨運至功名
上丹青子子孫孫或爾耳

繁露園詩集卷之十九 終

繁露園詩集卷之二十

陽平董復亨元仲父著

同郡張銓平仲父校

五言律

衛輝道中望蘇門

纔過善化嶺又到朝歌城
桐葉新封地鹿臺異代名
千峯分共國一水入燕京
矯首蘇門道山花處處生
詠懷十首奉答劉伯世先輩

少年不解事高氣凌曹劉
未許公侯貴偏矜詞賦道
夢曾遺五色才忽盡千秋
燕市尋同調風期訂白鷗

其二

名緣拙宦著禮覺上官踈星戴潘郊雨燈翻鄴架書
盤山霞可拾繡水芟堪裾傲吏吾無忝憑呼下澤車

其三

此生終幻影吾道亦豔雞閱世眼雙白逢人眉半低
閑揮鋏不律靜對墨猥猥宦况真如水從教百里稽

其四

生被浮名悞憐茲千古身一從分赤縣竟日逐紅塵
愛客虛常左買山甘故貧不如歸去好龍性總難馴

其五

擔簦爾司馬倒屣我臨邛幾醉如渾酒頻聽竟夜鍾
微名媿繡虎絕技羨屠龍小阮吾同調臨風想嗣宗

其六

吾鄉多茂士翰墨幾登場謾謾李元禮翩翩陳孔璋
寸心于日月片語挾風霜得爾今成四相期作惠莊

其七

魏萬吾芝友王喬爾石交後先臭味合生死等閑拋
令尹香新歇考功木舊巢黃壚回首處淚滿白楊郊

其八

國是不堪問言之傷肺肝流人半五嶺殺氣滿三韓

庭茂葦苑草世多鷓鴣冠皇天未悔禍永夜倚琅玕
其九

十日平原飲追陪信幾回彈碁破午睡列讌倚秋槐
雲液隨人酌玉山任自頽長安逢夜月寂寞照金臺
其十

女郎山上酒那道卽天涯遠別粉榆社聊乘李郭槎
還尋尼父鉢先惹奉高霞爲得瑤華咏偏生字字葩
宿彌陀寺

滹沱問渡罷投宿到空林風定來清楚鐘鳴應遠岑
諸天何灑渺萬劫幾銷沈坐久渾忘寐瀟然淨客心

弔張叔廣

不復見張衡車過淚滿纓一官憐落魄五字憶長城
累革功纔就叩閤事不平南州一滴酒生死見交情

過唐山

曾與山靈約松筠共結盟如何牛馬走又上鳳凰城
芳柱迎春發孤猿向夜鳴幾年塵事了隨意斲黃精
送李本陽之祠部

五鹿有安仁種花別是春龍門民譽舊鳳沼主恩新
攬轡趨金漏臨岐灑玉塵秩宗原妙簡何似宰官身

雙壽卷

木公長住世金母不知年兩兩成黃髮雙雙食紫煙
有兒稱傲吏無事惹塵緣功行還應滿相期歷大千
爲人壽母

無恙北堂樹百年未有期自惟舉案後都是斷機時
蘭映庭前秀恩從天上移承顏戲舞夜恐動麻姑窺
南和道中

西來泉活活南去麥油油白鷺啄芳藻綠楊漾碧流
老農不慮歲稚子但垂鈎化國茲焉是何須極樂遊
同閃獻明用壁間韻二首

勞勞終日事昏黑忽西方以我塵爲面憐君螢作囊
探幽頻踏徑禮佛一焚香何年塵世了身名具業哉
其二

如爾仍先輩媿余稱大方共叅佛子座一解奚奴囊
得句翩翩秀熟爐片片香半生未悟道虛負此昂藏
普照寺十首

三伏炎蒸日諸天縹緲間時來依法座共去理禪關
人世火爲宅吾生雪作山只疑葱嶺外秋近不知還
其二

記得藥山偈青天水一瓶金鍾空色界貝葉幻真形
雲淨龍函鉢夜深虎聽經浮生億萬劫何處問風鈴

其三

小小蒲團上相傳度世津十年吾似幻三乘彼如塵
了了無生滅惺惺有妄真還持最上諦欲訊西來人

其四

相携老衲衣白晝話禪機色到空王淨法從庾嶺歸
芙蓉天外落霹靂坐中飛日暮山光紫重將玉麈揮

其五

慧日照仍照恒河沙復沙大庾繞一鉢下土自三車
莖草身身幻菩提樹樹花不須更呈礙日供紫香茶

其六

借問登壇者何如四果羅寸心含舍利片語證頭陀
飛錫明光大落花因果多何煩千萬卷早已悟三磨

其七

倦來不肯眠吾意愛逃禪欲了風塵劫試張山水絃
按徽飛夜月撫柱咏人天曾結無生契悠悠翻自憐

其八

昨日白蓮社花開片片香風來笙弄竹露下鶴眠霜
誰了薰心業獨愁眯目糠何時都不染夜夜禮空王

其九

上上毘盧閣飄飄嘆白鷗千珠開法界片葉度滄洲

樂府詩集卷之二十一
五
幡舞朱天日蟬鳴白帝秋傳燈人不見枉日賦登樓
其十

方丈亦何有昂藏百尺松雨翻天唳鶴風定日蟠龍
偶涉招提境幾經晨暮鍾好乘明月夜兩兩話三宗
即事

昨宵中旨下讀罷淚沾巾豺虎當關橫龍蛇邁歲屯
榜嚴因灌鼠譴重爲批鱗悔禍知何日秋風憶釣綸
九日校射二首

選士存周典乘秋列漢標黃花經雨秀白羽逆風驕
短後誇馳駿當先負射鵬書生莫浪咲恐有霍嫫姚

其二

西瀨臨燕市北郊敞澤宮言徵十道士爲覓百夫雄
挿羽拂霜冷飛塵逼漢宮其如烽火靜無事挂長弓
碧雲寺小憩

乍入祇桓路相携過上方攀巖挹瀑布登座禮空王
水竹環香積松風響屨廊恠來稱福地不媿小清涼
題盛大叅卷

門望來瓜步幃帷駐井陘滹沱水作雨熊耳福爲星
王恩榮三世王言等六經金甌名藉甚屈指佐
天廷

送宋季方山人歸西屏

故人久不見，倒屣喜相臨。
白首俠仍在，青山興轉深。
半生甘落魄，五字苦沉吟。
一入西屏路，茫茫何處尋。

弔李北山尚寶

平生未御李，書札幾相聞。
人已千秋往，才誰六代分。
墓前纔宿草，地下政脩文。
無限龍門恨，蕭蕭賦斷雲。

高孩之明府席上以陶句心遠地自偏爲韻分
得自字

炎日下長堤，好風颯然至。
淡雲低遠林，蕭寺來繁吹。
對局更輸誰，談詩各印自。
會心頻促膝，殊有濠梁意。

夏日同湯太史嘉賓沈職方伯含集劉先輩百

世北園水亭分得煙字四首

折簡集名士，乘閒敞玳筵。
呼盧仍帶俠，結社自忘年。
水綠晴添色，山青晚更煙。
諸天去咫尺，吾醉欲逃禪。

其二

此地塵囂隔，茫茫一水煙。
人間又白社，席上半青蓮。
得句驚三謝，啣杯懷八仙。
亦知炎日苦，移坐爲流泉。

其三

巷絕疑無地，境幽訝有天。
高城連紫閣，芳樹點蒼煙。
魚爲澄潭遠，花因返照妍。
相看聊一醉，莫恠語頻顛。

其四

天漿無處覓神漢此中偏通畦澆菜甲避市理牙籤
邀客同霏屑臨流一釣鮮酒闌人未散遮莫夕陽煙
立秋前一日共賦前字

兩離行謝柄西顛預當筵江冷楓垂落月斜針欲穿
詩談六代後興寄一尊前世事不堪問塵心頓覺捐
其二

詰朝當暑後今夕尚秋前小有青精飯聊吟白紵篇
露深衣帶潤雲淨月生妍傾倒渾忘倦秋風若箇邊
少司馬趙公招飲黃鶴樓

黃鶴雲間往飛樓天外浮長帆挂漢影大別送江流
司馬開華讌征人愴晚秋憑欄一呼酒波動紫沙洲
渡河二首

混茫天上下半晌見黃河下馬拂塵面登舟發棹歌
帆飛驚鳥雀浪起失鼃鼃何地還同險洞庭掀白波
其二

工自龍門鑿派原天稷生千年流禹澤一脉護神京
去歲桃花滷今秋瓠子橫斗泥總堪黍吾意想澄清
題關壯繆將軍廟

茲關何險絕遺廟此山嵎氣猛原吞魏時窮翻中吳

松杉巢鶴穩畫壁倚雲鋪未了當年恨西風拂紫鬚
謁大復先生墓

北地特雄視先生自擅場芙蓉秀淥水飛兔度康莊
後輩推風雅前脩竟渺茫白坡山下墓草木藉霏芳
送祁念東督學關中

西國新文伯北曹舊秩宗行行九曲道望望一丸封
得駿須留盼逢山好盪習遙知搔首處青天落鴈峯

其二

我尚山公署君今五柞宮探竒雙華嶽問道一崆峒
鑑別驪黃外屏懸涇渭中應憐知己在莫惜寄詩筒

其三

西風正廓落送子出春明地擁青牛氣人依白馬生
龍門原北海帝里况西京多少三秦彥都從絳帳平

其四

銷魂惟是別况復隔燕秦何處尋知己如君最可人
終南添秀色冀北憶芳塵校士有餘咎揮毫定愴神
送康光祿之留都

光祿非常品門都長者遊揮杯燕市月鼓掉衛陽秋
踪跡聊江左風流寄石頭鍾山餘王氣客易賦登樓
送沈伯含年兄歸越

抱玉理宜別鑠金事可疑有懷惟報 主無夢不憂
時把臂詩千首臨岐酒一卮西湖煙月好遲我語襟
期

陶山道中四首

久決冥鴻志乘槎忽問津五湖憐地主一葦度波臣
總道裴王遠覺於嵇阮親陽平煙月好誰憶京華春

其二

五鹿尋嘗近孤帆咫尺賒風波穩一月身世悟三車
業海憑無際浮生信有涯升沈勘儘破不必算恒沙

其三

累章乞魏闕一棹下漳干休沐緣除隴行藏非挂冠
浮雲連大陸落日澹長安骨肉明朝集茱萸細細看

其四

潦倒題材暑沈埋似水心紅塵疑白壁駮耳自黃金
五畝徵君徑千年達士林朝朝梁父咏遮莫二毛侵

五言排

送魏玄之歸樂昌即用玄之重九前一日八韻
猶記題糕夜相將燕後堂案頭無異物坐上俱同鄉
燭爲敲棋短杯緣翫菊長舊懸孺子榻新惹令君香
趙魏氣原合孔禰年自忘媿余稱酒聖得汝益詩狂

垂露來殊典看雲促別觴北風明日道知復憶高陽

繁露園詩集卷之二十一

陽平董復亨元仲父著

同郡張銓平仲父校

七言律

送劉厚吾年兄兵察之關中

三秦使者出長安祖帳傾城夾道看戀闕經年燕
市酒揚旌千里惠文冠暮雲回望蒼山合飛蓋遙臨
白帝寒見說榆關新借寇不知何計款呼韓

陽丘游侯考最

漢庭循吏日來希治狀如君堪繼徽百里春雲頻帶

兩一簾冬日徧含暉賢書連歲聞 丹闕 恩詔不
時下 紫薇遙想繡橋扶杖處歡聲應傍女郎飛

送大中丞孫藍石之任

中丞鎖鑰近長安漫作尋常節鉞看 帝念股肱專
賜履人高夢卜共彈冠桑乾蚤度千關靜雪浪遙臨
六月寒秦鏡由來能照膽幾多封事到 金鑿

送郭孟愚之樂陵楊德潤之齊東令

飛蓋雙雙辭 未央齊州爭待令君香風流近日推
河朔才調當年自洛陽馬度太清春帶雨簾垂厭次
日凝霜曉衙排罷渾無事冥坐裁詩日幾行

教公子猶龍初度

公子翩翩天上人瓊林崑圃若爲塵從知大雅傳家
學未許輕裘卧醉茵金殿欲驚雲五色玉樓先報壽
千春登堂珠履如雲士總媿庾郎雌甲辰

送魏見泉中丞

客歲涼秋飄桂花中丞千里擁歸車清涼嶺外憑遮
道松鶴堂前自煮砂愛日風光隨綵袖憂天心事付
蘭芽東山政繫蒼生望未穩青門五色瓜

送賀伯闇奉母南旋

仙郎奉母挂帆還知入橫塘第幾灣塵世何人同愛

日華堂有頌盡齊山紫霞觴舉應來鶴絳雪丹成好
駐顏最喜謝庭饒玉樹年年繞膝舞衣斑

其二

題材久借山公啓拜 慶忽將潘母歸春色九重隨
茜浦薰風萬里送萱闈知經海上三千劫可道年來
七十稀聞說麻姑新作伴 主恩仙籙政霏微

其三

季真將母依蓬萊玉綬霜袍上元夫人所服玳宴開南極有
星隨婺女北堂無子不仙才加餐每進千秋栢閱世
應經萬劫灰况是 主恩深似許綵衣官誥政遲徊

夏日同沈武選年丈王車駕寅文飲劉百世先

輩齋頭用燕字

家世憐君尺五天齋頭松竹鬱蒼煙青尊邀客渾忘
暑白社論交不問年一代詞人原屬鄴千秋王氣總
歸燕劇談永夜煩襟洗醉看雲霄明月懸

賦得沈相公宅秋日牡丹二首

露下風高萬木蒼平章宅裏見花王秋陽總比春陽
暮青帝爭如白帝芳爲傍絲綸纔放蕊肯綠清冷不
生香何人解識回天手浪說尋常紫共黃

其二

潭菊叢篁未足誇幾聞秋日吐春葩種分上苑頻沾
雨色借平津忽染霞艷質自堪輝紫閣芳心端不媿
黃麻憑教落木蕭蕭下自向闌干障日斜

春日同考功王罔伯職方朱仲成集穆仲裕內
史宅聽周山人彈琴以高山流水爲韻分得山
字而石少尹以乚調罔伯云如今方啓事山濤
得意時故未及之

地主陸沉金馬間乘春聊爾共追攀因貪穆醴纔投
岸爲愛稽琴轉破顏一曲廣陵仙客在千秋燕市酒
人還相逢同是舊司馬啓事何勞更調山

謂 陵恭紀

寢園春薦逐諸郎車騎如流出廣陽馬鬣久稽丹鳳
輦烏號每憶白雲鄉年深風雨千靈護地隘河山
九葉光王氣由來天北極千霄松栢政蒼蒼

香山

開山深處萬山巔翠合嵐重覺勝偏爲借仙梯窺寶
相轉於塵世見諸天老松拔地丹霄立飛閣凌空紫
霧連莫訝桃花殊爛熳慈雲慧日度年年

送南玄圃太僕罷歸關中二首

直矢曲鈞難具論送君易水黯傷魂轉環未遂批鱗

願鑠骨翻成投杼冤總有回風驚白日豈無澹月照
青門悶來漫把離騷嚼爛醉新豐亦主恩

其二

太僕憂天鬢欲斑春來莫訝罷官還丹心一片空
懷主紫氣千年又度關寄傲不妨臨渭水採真且
自卧商山雙魚饌罷渾無事回首風塵幾破顏

寄題陳汝威北郭樓

飛樓縹緲萬星移幾向春風倒接羅無日不呼坐隱
客有時自咏謫仙詩總緣白髮出山懶翻爲蒼生攬
轡遲世事浮雲吾已決他年應許共襟期

棲霞樓讌集一首

卧閣仙郎一事無興來小隊恣清娛斜頭自近竹林
逸促膝休教蓮社孤夜靜遠香生玉案天空明月上
冰壺夜闌潦倒棲霞館遮莫人呼舊酒徒

輓張仲白刺史

秋盡白楊草欲枯傷心幾憶黃公壚魂招屈子夢全
楚劍挂徐君人半吳夢寐有時來五馬才名何處覓
三都生平我亦香山老燕子樓高今似無

送郡博蔡益吾之成均

中郎爲令有嘉名寥落青氈歲幾更晉秩纔稱秦博

士及門半是魯諸生身依日月元枌里夢繞雲霄忽
鳳城衛水燕山應見憶可能無意慰懸旌

壽于宗伯穀山先生

黃石山頭紫氣軒山中宰相壽觴繁千年禮樂南宮
舊一代文章北斗尊偶罷絲綸歸綠野肯將踪跡老
青門當年同學多牢落獨念綈袍戀戀恩

登蘇門

策杖蘇門第一層飄然輕舉若飛騰探真未換千年
骨說偈先尋六代僧半世行藏羞阮藉此生心事問
孫登想聞天外鸞凰響白石欄杆獨自凭

寄題韓中丞山莊

萬山堆就百花莊何似當年李贄皇未老乞身江鴨
綠非時撲鼻酒鵝黃家隣方丈堪題署秋近芙蓉好
製裳海內風塵仍未歇豈宜長卧綠沈槍

即韻答宋季方布衣

老去刁騷不問家惟將詩句寄生涯一時詞客憑虛
席五嶽行蹤自帶霞媿我無緣同市隱憐君有意泛
仙槎卅山碧水年來事可使風流似永嘉

即韻奉答陳汝威觀察

幾年杯酒共相依忽漫西風素願違夜雨頻驚遊子

夢秋鹿偏上故人衣
譚兵范老應難武啓事
山公敢繼微才畧
憐君堪濟世那能經歲戀庭闈

寄懷張元平考功留都二首

當時共現宰官身
灤水盤山共幾春
憶別黃花秋正暮
懷人白社夢還頻
近年礦稅先憂楚
何處湖山堪避秦
爲問金陵張吏部
交情能復似雷陳

一別天涯驚歲徂
函山杯酒憶狂呼
齊門乍散青雲氣
燕市新投明月珠
借箸慙余新夏省
題材念爾尚留都
何緣更問青烏業
伎倆年來一事無

送朱半石年兄奉使顯陵便道歸雲間

天涯杯酒幾狂歌
忽漫西風吹玉珂
總爲楚園考挂久
非關吳市鱸殘多
晴川度罷憐鸚鵡
芳社凋時泣汨羅
王氣年來應未改
憑君一問洞庭波

送夏鶴田奉使琉球

時平真箇海通津
萬里星楂出紫宸
諫草久傳光日月
祖筵新詔授麒麟
梅花島外天闈遠
馬齒山頭旅夢頻
彩筆縱橫行處滿
知君歸篋未全貧

其二

東南氛盡使星懸
西北雲高蜃氣連
一扎十行新主詔
孤天萬里舊郎船
乘風欲下彭湖島
躡筴先尋

石乳泉聞道海波平似掌歸期何必更經年

其三

幾年補袞動京華奉使新浮博望查辭闕近分仙
掌露抗旌遙挂海天霞花明柳媚王程迥水宿星移
旅夢賒久識中山能慕義莫愁清夜起悲笳

送李少麓茂才歸陽丘

征鞍迢遞一詩囊燕市相逢笑語狂仙里當年曾地
主名家先世亦天郎漫誇巖邑花爲政幾憶平泉石
作莊歸去秋風應得意春來還待倒鸞黃

穆仲裕齋中侍讌李本寧得相字

燕山春色闔芬芳詞客如雲共舉觴座上總緣太白
老齋頭慙負令君香披襟久想蘭爲社傾蓋翻憐玉
作相潦倒縱談千古業儘教人咲次公狂

春日咏懷八首

有引

不佞居里頗聞時政意傳之或妄入都月餘乃
更異于前聞觸事感懷未敢于廣衆訟言而孤
耿有違不能不形之篇什因賦七言近體八章
匪敢托于風雅之遺聊以寫余心之隱憂云爾
燕有客如雲倘亦有意乎好音之懷者乎譬如
草木吾臭味也不佞無難爲糠粃矣

大行滄海護長安錦繡乾坤萬里看近日重開甲乙
帳頻年幾遣鷄鷄冠鑿山未許唯神禹權市曾經笈
孝桓更有龍舟銷歲月莫言容易御金鑾

其二

莫捲龍鬚夢有期春風邨得主恩私沉香亭畔尋
芳地長信宮中覽鏡時寂寂茂陵空作賦蕭蕭紈扇
欲題詩年來恠得王給事萬死批鱗意未移

其三

春深河畔柳青青落盡梅花歲屢經處處田家思十
雨時時漆室望三星天高雲鎖鴛鴦殿日暮香銷翡翠

翠屏獨幸

君王饒樂事西園歌舞幾曾停

其四

太平天子在昭陽飛詔時時出建章遼海將軍纔五
嶺金吾緹騎又三湘九關虎豹盆難照萬歲笙歌
夜未央多少臣工頻墮淚抗言今見紫薇郎

其五

鷄鳴晨起待朝暎萬朵紅雲捧至尊詎意西臺新諫
草翻令南土半驚魂轉圜無日空啣淚憂國何人更
扣闥醉把離騷偷自嚼寸心能不繫芳蓀

其六

苦憶先朝張永嘉中興獨力解紛拏一封曾罷金貂
使五校無煩驛路車世訝書生頻誤國 帝憐中貴
幾開牙 君臣魚水當年事迴首風雲日欲斜

其七

一從宮殿化爲塵歲歲金錢供紫宸可信祝融驚
聖主更教貂珥作良臣朱提但得如山積赤子何妨
徹骨貧九廟有靈應擁護憂天無事重傷神

其八

燕山宮闕似蓬瀛一望愀然感慨生臺迥黃金寧間
駿殿開白虎祗流鶯夜郎酋長新成縛海外名王舊

乞盟最是山濤多過計我 皇神武願持盈

穆仲裕別業分得相字

別館春風咲語香座中觸目盡琳瑯最憐詞賦三湘
客共話心期一夜長呼酒休辭頻潦倒拈花莫厭細
端相感時幾下憂天淚說到千秋興轉狂

送罔伯世丈歸吳

彌天妖禍幾時清株及波連事不平賣法徇私 明
主詔薦賢爲 國古人情冠從神武門前挂帆向姑
蘇臺下行歸去故園春政好鼻山草木倍葱菁
即韻答尹昇衡下第二首

十年魂夢此襟期何事荆山更抱悲才調豈關人共
妒文章不與數爭奇滿看飛駿聊開眼忽覩遺珠翻
皺眉紈扇西風休怨冷龍鬚會合直需時

楚士如雲莫並驅風塵何意尚泥途誰知和氏璞中
玉人嘆鄒生暗裏珠價失黃金名轉重歌揚白雪調
原孤卧龍魚水他年事特向江邊問草蘆

送張太史出使襄藩

三楚王孫新立社八埒學士暫辭班揚旌且指中山
道立馬宵呼九折灣風暖習池堪命酒雲深襄水屬
題斑採風問俗還公事 聖主當軒佇解顏

題柱史際宇崔老世兄九載考最

風稜柱史鎮臺端九載功成賜大官到處幾懸貪吏
綬何人不識惠文冠埋輪事往心猶壯攬轡名高氣
尚寒旦暮 主恩虛八座不知誰更拊琅玕

元城南樂兩邑 明興二百餘年無讀中秘書

者即概一郡亦斷自戊辰近四十陽秋矣顯伯
中五一時並爽余聞而喜可知也賦以志之政
不必論其工不工耳

江夏黃童原磊磊信陵公子自翩翩同時名姓推千
佛一日清華到八埒金馬玉堂堪步武麓山繁水幾

登仙慙余潦倒裴王含喜極狂呼未欲眠

送祁念東督學關中

斜日孤雲九折灣春郎捧 詔出燕山三峯舊傍金
天座多士新成玉笋班秋杪行藏隨衛水夜深車馬
度函關乘驄我昔三秦使媿汝文星映轡鐸

送可大馮年丈

秋杪金雞夜夜鳴纍臣萬死一還生好將湛露歌
明主無用飛霜弔客鄉黑獄經年惟注易青山此日
暫歸耕莫教生澁張華劍留向人間擬不平

次倪爾淡年兄春日寫懷十二首

紅塵颺起信朝昏咲倚琅玕叫 帝闈傲吏有心尋
蝶夢騷人無事問蛇吞歸家儘費東山屐去國聊傾
北海尊聞道陶園秋色好入門松菊喜猶存

其二

從來世路多嶮嶠一付東風肯自悲但識塞翁失馬
意憑教隣父竊蚨疑如君清白還三至似我踈狂終
日癡備水巴江天萬里衡門何日共棲遲

其三

壯心偶與世情違白晝驚聞霹靂飛紫霧疑時爭道
是青天見後却知非山公尚憶題材用壺子聊存杜

德機莫問峨眉月好 主恩未許鑑湖歸

其四

元白肝腸事事同交情爾汝幾譚空興來燕市三杯酒歸去琴臺四壁窮那更千金酬走馬好將雙目送飛鴻紛挐政借匡時畧恠我蕭騷兩鬢蓬

其五

溫綸轉覺 主恩寬可道人間行路難滿目荆榛都貝錦平生臭味半芝蘭齋居久厭太常婦市隱何嫌曼倩官千載高名還自許風塵遮莫惠文彈

其六

莫以人言首重搔從來豪氣屬吾曹據津具箇無訖少聞謗何如不辯高兄弟功名雙白眼天涯踪跡一綈袍且將往事隨流水痛飲何妨誦楚騷

其七

茫茫宦海任升沉贏得江村十畝陰淚盡山終璞玉名成天署故渾金縱談漏夜不妨午預算歸期政在參此去休言文莫用等閑風雨伴龍吟

其八

慙予潦倒鬢毛踈魚雅憐君玉不如韓子文章穿月脇倪郎生計帶雲鋤僊橋路近曾題柱石筍山空欲

著書只恐神龍潛未穩風雲早已護茅廬

其九

眼中君最可憐人一疏歸尋自在身園近三巴堪獨
樂家藏萬卷未全貧朝朝拄杖普提嶺歲歲稱觴竹
葉春如此生涯休道惡可教容易負綸巾

其十

巴江東去是重湖詩酒翩翩一葉娛何處人間尋抵
詭起看腰下獨昆吾敝筵幾戲庭前綵諫讀頻憐掌
上珠世路羊腸都莫問回頭幸未遠迷途

其十一

飯顆休言不易逢新詩裁就秀芙蓉才名媿我稱雕
虎湖海憐君學卧龍折坂莫驚仍鳥道山靈應喜洗
塵容黃梁一枕俗緣斷豈效丁郎漫夢松

其十二

蜚語喧傳事不平鑠金未損奉常名染毫字挾風霜
氣拂袖胸藏丘壑情秋晚黃花桑落酒春深白社子
規聲年來交態雷陳少努力郵籤須報程

壽朱佩黼太母併其媪母兩母皆節婦共存佩

黼

為憐姊妹共存孤列女千年足畫圖教就里推雙孟

毋名成人羨一徐雛 國恩兩兩雲邊鳳家慶重重
掌上珠莫恠春郎還好事開筵歲歲遲麻姑

十六日同遊延壽菴遇雨次丁未來年兄韻得

八首

當年結社故人稀乘興同來款舊扉休沐原拚僧作
供出遊不謂雨沾衣有無山色隨雲合多少塵心入

座微滿寺春光同領畧何妨更倒接籬歸

丙戌歲曾同許公子

輩讀書白石橋即此地

其二

上元予假自公稀禁例森森不啓扉放飲昨宵遲玉

漏尋幽今日聽金衣濛濛莫厭千林濕滑滑須防一
徑微撲鼻曇花香片片轉令身世欲依歸

其三

望月西郊車馬稀題材仙吏覓山扉本期晴日恣清
賞詎意浮雲幻白衣雨洗青山塵欲淨春寒芳草綠
仍微登壇獨喜支公在昏黑無妨緩緩歸

其四

西郊春色柳依稀夾道人家白板扉仙客叩關尋六
淨老僧登座話三衣樓棲頓覺塵緣少茶供偏宜酒
力微鳴雨淋漓憑不歇其如遊子澹忘歸

其五

老衲山中塵事稀何緣冠蓋擁禪扉
案頭饒供青精鉢座上新傳迦葉衣
嵐氣經春添翠靄村煙入暮轉
熹微要知無限西來義消路慈霖撲面歸

其六

清暑年來幽興稀行春特訪老僧扉
慈雲為護空王座法雨偏沾遊客衣
生事已甘隨二酉宦踪轉媿度
三微故園青草王孫路應念天涯歸未歸

其七

如絲春雨逐塵稀車蓋翩翩同款扉
網緼憑教迷野馬風流且共解
朝衣夢魂久覺依滄海踪跡今仍
傍紫微別有蘇門山下道黃鸝飽聽不知歸

其八

春來更覺鬢毛稀忽憶人天一叩扉
逐隊聊叅師利座抽簪未遂與公衣
此時主爵連清署異日占星映
少微回首上方憐慧雨枝頭頻道不如歸

送位晟朱年兄出餉漁陽因便歸省二首

看君奉詔出燕日何似長卿入蜀時
金馬碧雞人

萬里長城易水酒三卮憂天事渺頻來夢
愛日情深幾繫思歌罷驪駒踪漸遠臨風無柰贈將離

將離為藥名古

人用之
贈別

其二

黔巫南盡是滇南
恠得春明別宴酣
禊事脩時經易水
蘭湯浴罷度湘潭
入門松鶴迎人舞
扶杖雲山信步探
聖主憂邊還借箸
家園莫戀徑開三

送張平仲之平陽節推

春盡燕山與半闌
出門送客一尊權
抗旌欲問夕陽度
折柳先驚朝雨殘
路入太行應按轡
衙當姑射好加餐
尋常多少求生意
莫待霜飛六月寒

即韻答魏顯伯太史送別

經年纔得好懷開
予假春明雨色催
行李暫隨青雀往
離魂唯傍素魚來
局間君自八埒手
秋杪誰稱九辨才
近覺皇天殊悔禍
尋常莫賦仲宣哀

登舟

十奏封章徹紫霄
秋深南下木蘭橈
傾都冠蓋百壺酒
隨意江湖五石瓢
帆動似聞華表唳
風行如逐廣陵潮
燕雲回首真天上
夜夜船頭一洞簫

天津高倉部涇塘賜宴賦此志謝

挂席南來木葉飛
天津津口蟹螯肥
司農特念枌榆好
敞讌爲稽薜荔衣
坐上談天傾玉屑
年來對月憶

繁露園詩集 卷之二十一
金徽憑君一話長安事蒼狗白雲有是非

繁露園詩集卷之二十一 終

繁露園詩集卷之二十二

陽平董復亨元仲父著

同郡張銓平仲父校

五言絕句

衛河汎舟遇雨十首

此水百泉水斯人千古人呼艇聊共汎一醉洞庭春

其二

樂事何容易主賓况二難恠來風雨妒點點濕盤餐

其三

爲問河朔飲何似蘇門嘯任是雨翻盆酒船不肯掉

其四

鎮日清無事閑來放舫艖
湏臾三十里傲殺石尤風

其五

水深深幾許恰長兩三尺
座有高陽徒狂呼浮太白

其六

天台有瀑布飛瀉陽平路
片席挂秋風忽驚雙白鷺

其七

漁郎把釣往槎得縮頭
編烹供盤餐味不知是漏天

其八

雨罷近黃昏漁火遠
明滅酒醉發局吟霏霏苦木屑

其九

莫道使君狂聊茲寄雅意
前身定孰誰無乃漆園吏

其十

逐雨消炎暑迎風生晚涼
歸來路滑滑撲鼻豈花香

七高詩

商山一片雲散入鄜城
陌何似王仲宣去爲江漢客

右韓嵩字德高

吳郎大雅人避地甘溲次
剥落空王碑姓名幾曾滅

右吳筠字貞節

次山王佐才著書力追古
何必問商餘遺編堪不死

右元結字次山

胡沙滿中夏逃世兼逃名如何丹崖側猶說陟岵生

右陟岵先生姓邦遺其名

龍山即鹿門菊水映芳草時有高人來領畧橋軒稿

右張澄字仲經

別駕清強吏囊不名一錢歸來頌酒德白衣頻往還

右李從今明卿

先輩自名家蕭然泊世味文章猶土苴伊洛有深憇

右李宗木繼仁

座中聞吹聲又長笛一聲人倚樓為韻賦七首

明月墮胡床相將宛似霜搔頭髮已短把臂意何長

右長字

其二

秋光濃欲滴拉客聽吹笛何必落梅花聊此破岑寂

右笛字

其三

幾年癩折腰今夕共促膝為憶龍門人馮鴻繫尺一

座上懷及李若蒙右字

其四

逐逐亦何事無官似覺輕香柑與斗酒飽聽黃鸝聲

右聲
字

其五

俱是我輩人不妨結醉茵忽聞歌白雪驚落屋梁塵

右人
字

其六

語次及三都明霞低徙倚不須玄晏名自貴洛陽紙

右倚字座中談及兩都
世慨然有意賦之故及

其七

月中何所有玉宇與瓊樓安得僊人楫乘之汗漫遊

右樓
字

安德舟中逢誕日八首

朝度峭帆亭暮經安德里揆覽何蕭騷茫茫一秋水

其二

吾生本浮宅况復水上浮細數陽秋幾憑人喚馬牛

其三

千秋事若何一棹歸已晚鬢髮苦蒼蒼惟有加餐飯

其四

百年元大夢回首夢今半憤憤不覺非枉把騷經爛

其五

鎮日憶家園秋水纔得假客路無與觴船頭酒自把

其六

記得出都時冠蓋如雲密此際逢予辰涼颼空瑟瑟
其七

齒至髮多素秋深葉半丹故園松菊好兒女倚闌干
其八

庚甲記逢辰今年政值巳三朝臭腐人半生拘馬齒
七言絕句

定興逢李若蒙二首

旅店逢君爲解顏刁家綠酒共相攀含情欲語經年
別行色催人去住難

其二

君向家鄉我向燕歸心別意總悽然憑君幾夜思鄉
夢遙寄清明花兩前

憶張叔廣

女郎山下千杯酒繡水橋邊一片雲詞客至今猶在
眼騷人何處更逢君

贈七十翁胡公

戎衣着罷着禪衣戎事禪關總悟機昨日與君相對
眉頻令身世欲歸依

壽尚封君縣圃明府父也四首

廣晉城頭煙霧濃
花開樹樹玉芙蓉
令君新敞靈椿
燕遮莫樓頭子夜鍾

其二

主人家住大崑崙
絕勝青城老子村
昨夜麻姑曾獻
酒相將咲語坐春溫

登州有大崑崙山
即麻姑成仙處

其三

昌陽仙子應龍沙
歲歲參同意未賒
開宴何勞尋異
味舉匙隨意飯胡麻

其四

春鳥家家二月鳴
滿城父老聽吹笙
爲言明府神仙

吏舞袖翩翩似羽輕

登蘇門阻風

爲辟紛拏來訪真
山中花鳥正逢春
無端却被狂雨
妒滿目紅塵愁殺人

又阻雨

平生罪業信無他
每到名山輿轉多
昨日狂風今日
雨山靈何事苦相魔

昌平道望 山陵

草綠鶯啼柳半遮
軒轅臺畔石橋斜
九陵佳氣知
多少鬱鬱葱葱片片霞

賦得高山流水四絕穆仲裕宅同王罔伯朱成

相逢各負元龍豪况是當年舊馬曹最喜主人偏好
事梅花深處坐琴高琴高古善琴者

右高字

別館花香堪解顏相携從事此偷閑廣陵不是人間
調可惜尊前顏玉山

右山字

秘書剩有晉風流酒態琴心事幽吸盡桑郎興轉
劇不妨醉典驪騮裘

右流字

齋頭冉冉春煙紫鄰下客來弄綠綺一曲松風萬壑
飛爲君更覺心如水右水字

元夜六絕

燕都人士競豪奢燈燭黃昏千萬家休道今年春事
晚滿城煙樹遍開花

煙霧蔥曨上苑東花坊綺陌禁城通春光欲放千林
碧燕市先開六道紅

徹夜霓裳驚漏遲御溝殘月照流澌天津橋上翻新
譜盡是宮中行樂詞

千炬圍城光爍月九華照夜影連天踏歌盡是清平

樂不比開皇禁夜年

明月高樓碧宇澄
競遊踏盡六街冰
西山雪擁如來相
北關雲垂不夜燈

燎地喧天此一時
胡姬夾道闖娥眉
君王親放金吾夜
快殺長安輕薄兒

應蘭皋招登黃鶴樓二絕

雨過秋深催暮寒
飛樓縹緲倚江看
憑風高咏落霞句
轉憶當年王子安

山光水色日將斜
沙羨洲邊片片霞
有意欲揮鸚鵡賦
年來彩筆夢無花

又一絕過恨這關

一去麥城因此關
魏吳無復漢河山
歲時香火經千載
猶說當年恨這關

送祁念東督學關中四首

南省仙郎辭鳳闕
西秦才子想龍門
憑君一片冰壺鏡
照徹黃河萬里源

長安風月許誰分
把酒談詩獨見君
此去嵯峨山上望
不堪魂斷廣陽雲

高旌到處惹明霞
說是仙人貫月查
從此三秦得證果
爲君咳唾半丹砂

天馬西來嘶問休黃金枉自覓驂騑而今滕有孫陽
顧汗血霜蹄一日收

送黃叔相按部江北十絕

藉藉都亭日半斜人傳柱史奉星槎抗旌未灑千家
雨攬轡先蒸萬樹霞

其二

勞勞亭畔午風炎夾道回驄幾下簾底是霜威涼沁
座滿堂遮莫酒頻添

其三

草木江淮待旆深臨岐解劍思難禁亦知不是千金

直聊見生平一片心

其四

先驅風采動隋隄冠蓋傾城送碧蹄寄語蛟螭休浪
喜使君原有照妖犀

其五

送客春明酒已醺聲聲黃鳥叫離群劍頭纔挂蘆溝
月柱後忽生瓜步雲

其六

主聖時平休問豺埋輪心事付長淮等閒幻出汪洋
度消盡人間無限乖

皇家湯沐是中都雲母石膏入畫圖謁罷園陵仍四望鬱葱佳氣世間無

其八

威名上谷水澄渟便道黃池車暫停遙憶淮南山色好先秋叢桂已青青

其九

憐君此去即登仙淝水荆山榻上懸爛醉八公無個事可能不憶子雲玄

其十

當年意氣等豪曹半世相看各二毛別去雄心應有寄廣陵八月政飛濤

送同鄉李純之出使江北四絕

橫金飛蓋度溁沱淮海邦江半激波立馬彭城尋故事里人猶唱大風歌

其二

憑君染翰賦長揚誤我經年憶草堂歸到平泉莊上問淇園寥落舊漁郎

其三

梅雨空濛出帝京臨岐不語重含情年來多少還

鄉夢憑寄漳于聽雨聲

其四

薰風無奈贈將離歌罷驪駒思不支
傲吏滿園蝴蝶夢可能無意伸舒帷

清源郎事四首

曾遡源頭到百泉北來忽聚萬家煙
何如二月蘇門道別是人間小有天

其二

惟來鎮日簇浮槎酒可沽兮魚可叉
歸去生涯仍不惡研硃夜夜點南華

其三

蟹紫菊黃酒帶碧滿城蹴鞠更吹竽
船頭日出還高卧真箇乾坤一腐儒

其四

二十年前結社盟相逢各各話平生
片時杯酒驩無限誰似汪倫送我情

汪和字舊社友也邀飲



